

明

詩

紀

事

明詩紀事

貴陽陳田輯



林廷模

一
首

廷模字利正永福人弘治戊午舉人官潮州同知有

兩江漁唱

田按利正永福人中弘治戊午舉人晉安風雅以爲
閩人石倉詩選亦誤爲貢生余檢福州志殊不爾兩

正之

古意

念遠勞魂夢含愁度歲年穿花雙蛺蝶偏傍繡簾前

劉龍二首

龍字舜卿襄垣人弘治己未第三入及第授編修進
修撰改兵部主事歷吏部員外尋復修撰遷侍講學
士改侍讀擢禮部侍郎進南禮部尙書改南吏部兵
部贈太子太保謚文安有紫巖集四十八卷

田按尙書不以詩名紫巖集中佳句如詠淮陰侯云
遇屬眞人應混一才收國士故無雙送楊兵部歸成
都云禁中頗牧推司馬劍外江山待主人答司徒質
齋韓公云吏部文章原絕代相州功業早安邊他如
堂前燕子悲王謝洞口桃花笑阮劉春水仙舟依岸
柳午風僧暮山煙蘿笙歌韻歇空啼鳥羅綺香消自
野花花雨碎時簾半捲柳煙低處燕交
飛卽當日以聲律擅名者亦不能過也

送王元甫還姚江

有客自浙東長江信所適片帆鼓天風千里還瞬息泊舟石
頭城覽勝入京邑城中多貴介冠蓋填紫陌懷刺不肯投折

腰向誰揖謂予典春曹廿年曾舊識一顧輒盡歡張燈話深
夕高風凌古人逸氣脫凡格照乘安用珠連城未爲璧如何
抱逸才乃獨事幽寂明時苦難逢流景還易擲携酒餞江干
戀戀不忍釋相望久延伫暮山倚天碧

登燕子磯

燕子磯頭拂曙來秋光催客上高臺百年風日重陽節六代
江山濁酒杯病體欲扶驚老態清時無補愧樗材不須細把
茱萸看且共諸公笑口開

劉蕡一首

蕡字惟馨涪州人弘治己未進士授戶科給事中以
忤劉瑾廷杖削籍瑾敗起金華知府告歸再起知長

沙遷江西副使均未赴卒有秋佩先生集四卷

田按惟謐於正德初劾劉瑾馬永成谷大用張永魏
彭邱最羅祥傅輿等云此輩投閒抵隙誣上行私一
言一笑都有機關一止一行揣知上意府庫錢帛用
如泥沙玉帶蟒衣施及童稚章奏落其掌握機務因
之自決敗祖宗之家法傷清朝之治化累陛下之初
政成天下之禍亂若失今不言異日禍端養成亂本
固牢事已無及責將誰歸史但稱劉健謝遷去位范
與刑科給事中呂翀各抗章乞留語侵瑾廷杖削籍
於惟馨事實首尾尙未完備秋佩集世罕傳本四川
通志亦未知其卷數余獲此集亟登一詩詳錄劾瑾

等疏語以
補史闕

酒後

洞天昨夜吼蛟龍吸盡西江未放空李白劉伶呼不起酒旗
莫再惹東風

林廷棉

一首

廷梯字利瞻閩人弘治己未進士授兵部主事歷員外郎中出知蘇州府厯雲南江西參政湖廣布政使以右副都御史巡撫保定六府擢南兵部侍郎召拜工部侍郎進本部尙書贈少保謚康懿有小泉錄稿寄友

停舟江上憶逢君紫鳳青鸞迴不盡此日相思空有夢隔江春色暮山雲

孫緒

二首

緒字誠甫故城人弘治己未進士累官太僕寺卿有沙溪集二十三卷

四庫總目孫緒無用閒談有曰文章與時高下人之才力亦各不同今人不能爲秦漢戰國猶秦漢戰國不

能爲六經也。世之文士尺寸步驟影響摹擬晦陰
深破碎難讀云云其意蓋爲李東陽發可以見其趨
向矣。其詩格頗近李東陽而深以何孟春等注東陽
樂府稱其過於李杜爲非蓋譏譽者之溢量非排擊
東陽也。

明詩統沙溪瀛州才子所作清新典雅足以名世

妾薄命

妾命薄薄如紙君意陌上塵
妾意江邊水陌塵易飛揚江水
絕清泚京兆多傾城永別從今始
京兆猶自可莫入臨邛市
池亭晚坐有懷

池上晚成廻雨餘涼不禁濕雲低閣水癡霧遠迷林去烏憑
誰辨哀蛩識此心美人在何處良夜自沈沈

周倫

三首

倫字伯明崑山人弘治己未進士授新安知縣入爲

御史厯南大理寺丞進少卿擢都察院僉都御史提督操江厯南工部兵部侍郎進南京刑部尙書召拜刑部尙書復改南贈太子少保謚康僖有貞翁淨稿二十卷

梅花草堂集公懸車引年皆遊武林子大理丞鳳鳴侍而張通參寥亦侍其尊祿州翁聯船合精四韻齊下積篇成帙題曰西湖侶和錄列卿紀尙書行草遍眞晉人

送徐錦衣

錦衣南躍馬萬里嶺雲長三月辭京國中途是故鄉龍光金節重劍氣鐵衣涼聖主綏柔意蠻煙草樹荒

發揚州

揚州已二月寒色帶蕭森夜雨太無賴瓊花定不禁驛船干

里夢客路五更心迢遞長江隔雲天雁字沈

鄧尉山房

行看一水來天目坐見千峰湧太湖曉鳥不知遊客至閉關
唯有定僧孤鏡中水月俱清寂象外煙雲乍有無勝地久懷
來較晚買山真欲辦青蚨

謝廷柱

二首

廷柱字邦用長樂人弘治己未進士除大理評事歷

官湖廣按察僉事有雙湖集

靜志居詩話邦用詩如犀塵在握不染游塵
田按雙湖詩饒清趣微傷婉弱

宿驛頭鋪鄒家風雨達旦次韋蘇州郡齋韻

茅檐一夜雨嵐暮千山客朝來涉前溪不見釣磯石僕夫憂

遠道野館謀今夕千丈陟霜崖風寒少行迹

都穆

一首

穆字元敬吳人弘治己未進士授工部主事歷禮部

郎中乞休加太僕少卿致仕有南濠詩略

國寶新編元敬清修博學網羅舊聞考訂疑義多所著述齊居蕭然樂奉賓客銜杯道古以永終日詩雖

過爾冲伯竟非俗具

田按元敬博雅纂述舊聞多裨考證詩話一卷不甚當家而邵二雲題後云南濠舊話新傳得吳下風流

楚地聞我是間官忙裏過湖山回首遮思君亦許其

網羅舊聞

之勤耳

渡桑乾

西風早蕭蕭催我立鬢皤役發皇邑川原屢經過金龍池畔水演作桑乾河東馳入滄海浩蕩成洪波誰知稽天流發

源始盈科覽茲感幾事防微當若何

張鳳翔一首

鳳翔字光世洵陽人弘治己未進士除戶部主事有

伎陵集六卷

列朝詩集光世詩信手塗抹不經師匠如村巫降神
之語而獻吉作傳以爲子安再生文考復出關中人
黨護曲論不惜人嗁嗁皆此類也
靜志居詩話伎陵集洵無足錄牧齋謂獻吉黨護作
傳然其集本獻吉評點初不假借不以爲近併卽以
爲太實黨護之論殊不其然
田按光世沒楊遂庵屬邊庭實整頓遺集庭實覆邊
庵書云光世詩文草叢雜無序脈絡難尋若理亂絲
之糾結極力整頓各依體製釐爲六卷今所傳伎陵
集蓋庭實所訂也獻吉爲作佳傳而又於伎陵集指
謫其失一以殉友誼一以著公評我輩今日取伎陵
集而評闇之早已墮獻吉彀中

湘妃祠

虞帝南征不復歸湘君日暮嚦青衣秋風娜娜湘水冷愁雲化作清霜飛清霜著草草欲死著竹竹黃印斑紫蒼梧雲色凝不流夫君渺渺雲上頭曼聲浣月正愁絕何處雌凰聲不歇蟠龍起舞潭水波幽吟咽咽生盤渦癡雲作雨老天泣竹中奈此雙愁娥

陳伯獻二首

伯獻字愬賢莆田人弘治己未進士歷吏科給事中

以忤劉瑾削職瑾誅起廣西提學副使有峰湖集

蘭陔詩話峰湖居諫垣日因疏逆瑾罪削職瑾敗起視學粵西以母老乞歸結茅蓮花峰下游情藪苑興致翩翩盡宗廟詰詩品在錢劉之間

登雨花臺

帶郭林巒屬上方寶幢說法事茫茫荒臺僧去天花盡古殿
春來貝葉香煙散江關開楚越劫餘碑誌認齊梁茗新泉冽
能留客細炷爐熏話日長

分守到廉州途中書事

計日星軺度遠岑西風旅思費長吟山多不礙歸家夢地僻
長懸戀闕心嶺外草黃生毒瘴海門日出破層陰還珠合浦
留清譽誰識遺殃直到今

李廷梧

一首

廷梧字仲陽莆田人弘治己未進士授桐鄉知縣入
爲御史進大理寺丞有壺塘集

送人休致

漫將春浪浣塵衣天馬如今不受韁旅客豈堪千里別故鄉
初見一人歸薰風驛路黃鸝語細雨湘雲紫蕨肥回首門
聯舊侶江湖應有寸心飛

程鉉

一首

銕字瑞卿永康人弘治己未進士官四川副使

秋夜

砌冷草蟲喧月明如積雪美人不可期空林墮殘葉

胡文璧

一首

文璧字石亭耒陽人弘治己未進士授戶部主事歷
員外改監察御史進太常少卿出爲鳳陽知府改保
定遷天津兵備副使以事下獄謫延安檢校起四川

副使

鹿岐晚渡

鹿岐官柳晚煙凝
十里蒼茫野色澄
沙嘴喚船歸渡客
領頭持鉢入雲僧
城樓隔岸傳昏柝
漁艇連江起暮燈
天畔一輪新月上
泠泠冰玉洗棱眉

明詩紀事

貴陽陳田輯

丁鐵

游潛二十八首

潛字用之豐城人弘治辛酉舉人官賓川知州有夢蕉存稿四卷

夢蕉詩話昔予守賓川夷賊倡獗諸郡咸弗靖撫鎮檄予以兵時有忌者招撫以罪疏之乃還卽故居鐘山之麓小橋流水結茆數椽以託穠傲距其前若百步闢小徑繁紆以入署曰蠋道記以吟云苔砌傍雲行死轉老將雙屐恰能容年來頭角從深縮不當人間捷徑通次第門壘土跔踏署曰燕園記以吟云重門深壘如陶盎四壁芹香一聚泥自信遺謀足安好柳塘花鳴趁雜飛中爲室積書萬卷與弱兒聚處署曰蟻封記以吟云得閒盡棄平生智者去羣稱善戰家回首槐安應失笑一拳臺宇長官衙室之左隣置

小榻時自鼾臥其上署曰蟋所記以吟云是非榮辱
忽推枕笑殺東家春夢婆滿屋山雲燎於絮蘧蘧清
思一吟窩室之右罅隙牖設案課弱兒以筆硯晉日
蠻區記以吟云間情盡付蒼黃外伸屈無端信寫形
莫惜如蠶終底用喜無身後繭絲名室之最後爲小
亭窗戶靜朴環植芭蕉如幄朝夕偃仰視天下得失
之故灑如也署曰夢蕉亭記以吟云芭蕉十丈屋如
斗明月清風誰主人受用平生呂公枕悠然身世此
浮雲

田接用之古詩摹李長吉溫飛卿襲調而窘於才近
體絕句頗近晚唐兼雜宋調於明人中又刻意學陳
白沙大約絕句工於律體惟古詩近拙選家多不見
收余顧其菁華情致風韻正復獨絕寶氣珠光終不
湮於埃壘中也

獨賦

野風秋浩浩落日晚依依江入寒雲盡天隨去鳥低遠意窺
三楚愁心歷九疑空城留鶴語千歲幾來歸

月下小酌懷李東白

團圓古明月照我掌中杯良夜苦難再高人期不來山川何
糾繆雲樹重徘徊一別三年夢秋風易水臺

新春久雨

十日九風雨江村氣似秋陰雲接地暝野水貼天流破屋牀
牀漏空階滴滴愁謀生蓑笠在長嘯付扁舟

散步

白頭高幅青山客勝日行吟楚天涯宿雨野田初試犧
燒風城郭半開花喜聞社鼓喧村舍狂脫春衫付酒家百畝尙餘
身復健不妨隨分課桑麻

記舊

竹裏行厨松外樓錦江春色記前游薜蘿曉雨溼蝴蝶楊柳

晚風吹栗留芳草欲迷盤馬地好花偏趁少年頭醉歸青瑣
沈沈夜十二珠簾不上鉤

小亭寫意二首

平沙宿雨歇布穀鳴西畦山雲白縷縷江樹青離離
空庭深晝寂苔色淨於染草堂人不來竹門風自掩

遊仙詞二首

華蓋山前躡紫霞香風吹雨溼松花洞門白石高於屋再過
浮邱道士家

兩兩青童吹紫笙蕭蕭琪樹起秋聲海光倒浸竈天碧十二
闌干空月明

梅花

瑪瑙坡前落木風淡煙和月夜朦朧蹇驢踏遍湖邊路春在
野橋流水東

江行二首

藤花壓樹晝冥冥十八灘頭白漲平獨棹吳船歌楚曲滿山
風雨鷓鴣鳴

山木龍崔啼杜鵑唱歌打鼓下灘船向人指點南來路百尺
懸厓一綫天

別江夏李凌霄郡博

去住真如踏雪鴻兩年情事一樽同明朝又是思君路黃葉
溪山落照中

無題

竹枝蕭索柘枝殘楊柳池塘怯夢寒一曲吳歌數聲櫓月明
人已過長灣

遊明水寺

石門西望樹橫斜茅屋疏籬八九家鶴交交田水滿一林
風雨落藤花

夢蕉亭獨坐

松下清風不費呼溪邊明月照人孤數椽茅屋青山裏一幅
閒雲野鶴圖

送羅浮道士

羅浮道士盧復春前身笑是黃野人偶然失腳出巖谷來踏
洞庭湖上雲

五羊寫興

夾岸芙蓉秋滿汀竹籬風颭酒旗青船頭獨坐看明月詩在
坡翁海上亭

江行

野樹冥冥花作團小風吹雨溼江干誰家茅屋溪聲裏門掩
薜蘿山色寒

蕉亭閒坐

鶴鵠啼倦野棠陰漠漠茶煙白晝深興味如僧心似水溪山
隨處是東林

有所思二首

羅浮仙子鬢如鴉爛漫行春過酒家腸斷江南又江北晚風

吹盡海棠花

青樓歌舞看花時玉色參差照酒卮搖落東風鶯語歇一簾
香夢雨絲絲

舟中口占

篷外好山無數青打篷時有浪花鳴雙飛白鳥出復沒拍拍
溝江春水生

寄吳上舍

江城五月棟花寒小雨輕風十八灘白髮蕭騷山色裏爲君
惆悵獨凭闌

泛湖

野湖春盡水如苔風雨能容一棹來我是蓮花新博士寄言

鷗鳥莫多猜

竹枝歌二首

荷葉團團蓮子香子魚風引藕絲長船頭花開照人面船尾
阿儂愁斷腸

木蘭船高水滿湖南風冉冉錦平鋪賣酒誰家楊柳岸小姬
十五慣當壚

月潭上人卷

月在青天水在潭月光潭水靜相涵一塵不到空明處我欲
無言君試參

陳則一首

則字養新番禺人弘治辛酉舉人除定州學正歷國

子學正博士遷御史加光祿寺少卿致仕有集

珠海

碧樹煙樊鬱浦東玻璃光濛蘊珠宮蜃樓海市疑天上絳闕
祇園入鏡中楊柳綠深漁艇笛木棉紅脫酒帘風三城縹渺
鵝湖閣煙雨微聞隔浦鐘

符錫二首

錫字宜臣新喻人弘治辛酉舉人授韶州判官累遷
太僕丞出爲韶州知府

夢蕉詩話新喻符宜臣予鄉舉時同年友也力學苦
吟尤癖於結字甯濛方蓄異志動以禮幣鉤致賢俊
欲爲之用或以宜臣甫者屬所親作詩諷以意宜臣
用韻答之曰義慕弗充虛厚味乃耽毒薦稿豈潤褐
芒刺生重得怡曠易處心牢籠豈煩促原歌走索羣
山禽鳴待旭遐想塵慮消長歌振林曲卒能自保以

成其志其視素撻虛譽終不免於天下後世譏且笑者不可同日語矣

雲峯居

妍彼湖上峯白雲護其端好風忽相逐暫住輒復還達士美
幽蔭逝將此盤桓日月自相促山中有餘閒仰盼出林翩迴
哉安可攀

憩晚翠書屋

漢代有佳人寄迹鴻山下繞屋峨青松琴樽有餘暇寒日落
高陰清風起長夏此意竟蕭條行當息吾駕

趙善鳴

一首

善鳴字元默廣州順德人弘治辛酉舉人官曲靖知府有朱鳥洞集

珠江七夕別覽山洪侍御

黃木灣頭秋水清，美入江上挂帆行。
尊前莫惜此回醉，別後有懷空寄聲。
珠海月明仙舫並，銀河星爛鵲橋平。
人間天上團圓會，不道明朝兩地情。

鄭鵬

一首

集

題文徵仲小景

竹橋橫小澗，泉響落空山。
惟有幽棲客，扁舟恣往還。

李廷相

一首

廷相字夢弼，濮州人。弘治壬戌第二人及第，授編修。

改兵部主事厯員外郎中復改編修厯中允侍講學
士擢南吏部侍郎改兵部禮部進戶部尙書加太子
賓客贈太子太保謚文敏

秋日

宦恩隨秋薄幽懷對酒寬晚涼貪露坐明月上闌干

魯鐸七首

鐸字振之景陵人弘治壬戌進士改庶吉士授編修
厯司業進祭酒謚文恪有集十卷

田按文恪清節名德爲六館師範詩存樸質而時有
風趣譬之老樹著花亦饒姿致

送吳景陽國賓還荊州

儒林爭識面戚里舊知名狎客清狂耽耽詩太瘦生使星臨

魏闕鄉夢落江城去去無窮樂東平好男甥

益陽道中

益陽南下山巒巍益陽道傍風物饒翠竹丹楓映茅屋清泉
白石臨深橋異禽時出語歷歷寒花自任風蕭蕭詩中有畫
見眼底古丞往矣誰能招

棹汀

幽人居棹汀汀戶相還在醉後棹歌回月照青蘋上

府江舟中

野鷺明弓刀風船激笳鼓異塗不成眠更聽江邊雨

棹蟲

淑氣濃熏芳草晴絲不礙飛蟲春色都堪描畫無人畫得東

風

邀韋菴

南池北池凍初解紅梅白梅花正開
弄水登臺無不可上元
風日待君來

安道鋪

安道郵亭獨倚闌好山無數夕陽殘何因更借明朝住藜杖
延緣盡意看

周用十三首

用字行之吳江人弘治壬戌進士授行人擢南兵科
給事中改禮科復改南兵科出爲廣東參議厯浙江
山東按察副使福建按察使河南布政使以右副都

御史巡撫南贛召協理院事擢吏部侍郎改南刑部
就遷右都御史工刑二部尙書致仕起工部尙書督
河道改漕運召拜左都御史加太子少保進吏部尙
書贈太子太保諡恭肅有恭肅集十六卷

四庫總目用詩近體頗宏整

靜志居詩話白川十齡能盡長師石田翁得其指授
詩則別裁風格取法杜陵集中詩云畫品仍遵藝詩
家特擅名丹青乃餘事金石自希聲散地方盤礴諸

公孰老成朝川稱二絕早晚懇平生盡以摩詰自喻
也余嘗見公畫龍戲浪穿山蜿蜒升降百年絍素雲
霧猶溼至烏平坡放犧亦不減史道碩厲歸眞乃知
公藝事兼能不惟以經濟文章重也

蒼梧城樓

迢迢河漢臨飛樓何年天險開炎州韶石亭亭鳳鳥去海門

宛宛蛟龍遊未帝樓船非故國越王臺殿餘荒邱蒼梧雲暮
一回首爛爛月出城東頭

厓山二首

岡州行殿火飄紅井澳樓船苦北風猶謂夏康能復國可憐
劉禪已封公漫山春草珠襦冷卷地胡塵玉帳空千古亂階
誰復問直尋國史到元豐

宣和容易誤亡邇卻向天南寄九朝忽見黃衣淪碧海猶聞
白屋怨青苗玉魚墮地迷秋草鐵馬橫沙落暮潮帝業艱難
餘涕淚黃埃無處望陳橋

石田沈史像圖

蕭然邱壑在眉端林下人從壁上看白髮信誰修野史青衫

丁鑑卷之六
從爾授闈官雙魚落手春坡遠四座驚心夜語闌盤薄尙須
勞畫者休文詩骨不勝寒

送禮部陳子引父還江南

都門羸馬載青袍爲客經年感二毛東郭煙霞陪我老南宮
文采付兒曹風前落木蒲帆急江上孤城鐵甃高鄉國有人
憐倦翼秋深短鬢不禁搔

清涼山寺

行庖酒煖登清涼此生此樂殊未央設行四百八十寺須醉
三萬六千場西風野樹黃葉滿南園詞人白髮長問渠明日
有高興還訪鍾山舊草堂

當雞頭

誰問雞頭當鵝頭品題自我等名流平生芒刺甯終老此日
泥塗幸早收稅畝未修河伯怨食芹應重野人憂江湖到處
無知己若箇明珠可暗投

題畫

楓葉野亭陰蘋花沙岸雨秋光絕可憐誰與幽人語

嚴陵灘

灘水清復深飄飄歷虛館我愛先生魚天寒釣絲短

閒居

背擁重衾客夢賒隔簾清曉有啼鴉東風未埽牆隈雪半面
春寒索酒遮

題畫

空江綠水淨孤篷隔岸桃花看小紅祇恐春愁易寥落獨持
杯酒慰東風

題扇

客程子夜聽吳歌夜雨南塘促芰荷欲問西風來早晚白雲
明月奈秋何

曾仲仁墨梅

自憐官閣少詩流春信相將寄龍頭一種孤箇明月夜直飛
清夢到衡州

徐問六首

問字用中武進人弘治壬戌進士授廣平推官遷刑
部主事厯兵部郎中出爲登州知府改臨江厯長蘆

鹽運使福建參政廣東布政使以右副都御史巡撫
貴州召拜兵部侍郎改南禮部進南京戶部尙書謚莊
裕有山堂萃稿十六卷續稿四卷

靜志居詩話尙書五律清高深穩
田按莊裕撫吾黔時與黔人講學著讀書劄記八卷
能以儒術潤飾吏治其論詩云弘正間李何王三子
起於北徐子起於南肆筆單精馳騁若力追漢魏
遠軋風騷其律則幾於杜矣然感思沈鬱少戾性情
唯白沙定山不拘體裁觸物成聲因言見性辭弗求
盡識則超然故其早歲所作頗講格律晚乃專宗陳
莊山堂續稿中有句云近得定山詩樣子閨然吹我
到無懷乃頽然自放矣

過釣臺

野雲初出浦積雨漸收時木落桐江水山迴鈎客祠高臺平
古在遺像後人思亦有漁樵意臨流莫廢詩

池上酌

故人尊酒至愛此林塘深竹色照杯筭清風生葛襟寡營庶
怡靜與子俱遠心因之暫遺俗無勞爲相尋

朱得之過訪山居不遇

東湖有眞隱來訪北山隅采藥歸何暮迴船興已孤晚霞明
竹樹秋水浸菰蒲爲問山陰意于今憶戴無

林郎中方副使留參政同登鼓山

梯雲穿石徑浩蕩接天風樹色浮筠島鐘聲落半空平生幽
興極清賞幾人同異日懷三子居然說瀼東

龍門驛

險仄灘江峽龍門驛路迫軍壓沙水上春色瘴煙中深樹埋

豺虎窮荒絕雁鴻天山動亦好吾欲挂雕弓

倒口暮歸

水深臥蛟湖風急倒岸口日暮懷孤征惻惻空回首

李時一首

時字宗易任邱人弘治壬戌進士改庶吉士授編修
歷侍讀右諭德侍讀學士擢禮部侍郎改戶部復改
禮部進本部尙書改吏部歷文淵閣謹身殿華蓋殿
大學士入參機務屢加太子太保少保少傅太子太
師贈太傅謚文康有薇花堂稿

列卿紀嘉靖十二年帝幸南內召張孚敬李時方獻
夫瞿鑾同遊西苑製古樂府七言五言各二章命和
十三年五月上幸南內召孚敬時同閱青爵尊賜扇
及酒食閱宣宗輿地圖詩及御制詩十四年三月召

同遊南內時等各作奉制記樂賦以獻帝亦作一詩
命日御製記樂同遊刊示羣臣十五年五月召時同

夏言郭勛泛舟西苑命蕩槳近龍舟被顧問賜宴無

逸殿翌日時等表謝以爲自宣宗賜蹇義同遊萬歲

山楊榮同遊西苑後今僅再見云

田藝蘅留青日札嘉靖十二年四月十三日上演馬

南城召大學士張孚敬李時方獻夫瞿鑾同遊環碧

殿嘉樂館錫宴重華殿賜孚敬蟒服時等飛魚服上

賜律詩二首紀之羣臣應制奉和張公句云環碧殿

前先試馬蒼龍關外更觀花李公句云內苑草茵迎

玉輦行宮花氣襲雕鞍瞿公句云巧剪綺羅纏寶鏡

分題玉篆佩花駢方公句云應制漸無天馬賦南薰

惟誦舜廷歌

城南蕭寺呈同遊

出郭林泉已自幽更從山寺坐高秋迴廊寂寂寒花放野日
荒荒宿鶴收興到登臨增感慨酒忘賓主廢交酬城中亦有
消閒客車馬誰從此地遊

林茂達一首

茂達字孚可莆田人弘治壬戌進士官南大理寺卿
有翠庭集

次鄭山齋韻

小有林皋數畝園興來時自命琴樽白雲滿地無行迹松月
當階鶴候門

王尙納一首

尙納字錦夫郊人弘治壬戌進士授兵部主事改吏
部歷員外郎中出爲山西參政改四川陝西遷浙江
布政使有蒼谷集十二卷

田按錦夫與李何遊苦意追慕合作終鮮

送王掌教至安陽

憶昔親相餞承恩復此行
郊山愁對酒
鄴柳正含情宮瓦那
芳硯春波浣舊纓詞華憇數子禮樂待諸生

陳霆一首

霆字聲伯德清人弘治壬戌進士歷刑科給事中謫
判六安州厯山西提學僉事有水南稿十九卷

四庫總目霆詩意境頗爲蕭灑而才氣全涌信筆而成
故往往不假檢點惟詩餘一體較工其豪邁激越有
蘇辛遺範未附詩話一卷中間論詞一條謂明代駿
人多不務此間有知者十中之一二則其自負亦不
淺矣

陳霆兩山墨談六安茶爲天下第一有司包貢之餘
例餽權貴與朝士之故舊者玉堂聯句有云七碗風
清自六安每隨佳興入詩壇織芽出土春雷動活火
當爐夜雪殘陸羽舊經遺上品高陽醉客還清歡何
時一酌叶冷水重賦君謨小鳳團觀此則一時實重

可知矣予謫宦六安見頻歲春東茶產不能廣而中
貴鎮守者私徵倍於官貢有同督賣頭芽一斤至賣
白金一兩山谷蠶民有鬻產賣子以買充者故茶任
六安始若利民而今爲民害則甚漢武帝南巡以衡
山遠阻不及登廩卽州南之霍山行禮遂封爲南岳
山有漢時拜郊壇凌霄樹宦遊其地者每縱登覽以
快一時之覩然而供給飛輶山民告病久矣正德辛
未予召還秋酉初除以江右劉某者爲守劉起家舉
人臨行請益予贈之詩云踏槐曾作少年遊高入青
冥一鵝秋匣劍久霜沖斗氣郡符新下夢刀州雨前
綱茗春陽早笏外南山爽氣浮相送一言煩記取大
廷方簡富民侯

墨布袍

墨布袍粗且黑心中事背上墨宋時遺黎元版籍寒暑晴雨
甯暫釋直教蓋棺覆我首領纏我骨死不在閩廣生苟依木
石安能易彼章與敝俛首躬身福州伯

靜志居詩話水南博洽著問留心風教詩不苟作墨
布袍者宋咸淳進士福建提刑德清游汝魯望所服

元初以遺老薦授福州總管固辭不就題袍背云前
宋遺民今爲百姓雖雨晴與晝未嘗解脫卒葬果山
此事國史失載因具詮之

孫偉三首

偉字朝望清江人弘治壬戌進士授南工部主事歷
郎中出知鶴慶府有鷺沙集

田括鷺沙詩頗似宋人江湖小集

遊北園

野趣黃雞酒從君棗樹林熟歸憐老馬交語愛鳴禽野色明
餘照纏縹結暝陰鷗波自千尺不及此杯深

題清碧野人

難老堂中景自寬水山長與客相干綠風半嶺秋光溼明月

一江松影寒何處滄浪唱洲渚暮年詩句有峰巒遊魚歸鳥
天機熟并入幽人靜裏看

雜畫

村曲閑門面石開青山如畫水如苔白雲久作孤舟伴流過
青溪渡口來

范嵩一首

嵩字邦秀甌甯人弘治壬戌進士累官南工部侍郎

有衢村集

送向太守中美之廉

夜火洲邊驛鶯花白下春一尊須判醉明日異鄉人

金賢一首

賢字士希江甯人弘治壬戌進士除仁和知縣入爲
兵科給事中出知大名府改延平

贈劉松隱

松隱先生屏俗緣三層高閣詠遊仙我來不解琴中理但乞
松風白晝眠

潘希曾

一首

希曾字仲魯金華人弘治壬戌進士選庶吉士授兵
科給事中改吏科以忤劉瑾繫獄予杖削籍瑾誅起
刑科給事中改禮科遷工科都給事中厯南太僕少
卿進本寺卿就遷太常卿改北以右副都御史提督
南贛汀漳軍務召拜工部侍郎改兵部贈尙書有竹

澗集八卷

山中

山日欲落未落梅花一枝兩枝悵望幽人不見碧溪流去多時

明詩紀事

貴陽陳田輯

山籤

董玘一首

玘字文玉會稽人弘治乙丑第二人及第授編修以
忤劉瑾出爲成安知縣遷刑部主事瑾誅復故官歷
侍讀左諭德侍講學士遷詹事兼學士進吏部侍郎
有中峯稿六卷

彭城有懷

清夜棹歌發高秋客思生綿綿鄉國夢厯厯水雲程老樹危
蟠石衝波怒齧城白門樓上月偏傍海東明

顧應祥

二首

應祥字惟賢長興人弘治乙丑進士厯官南刑部尙書贈太子少保有崇雅堂集

田按吾黔安莊白水瀑布不減廬山三叠尙書官湖
藩時取道於此有句云青天作雨千蛟舞白日行空
萬騎屯砰動雷聲山欲裂撼搖坤輶地應翻差足得
其彷彿也

宋駒馬王說江山勝覽圖

王郎妙手絕代無生綃寫出江山圖飛揚天趣入三昧點染
意象爭鏘銖遠山模糊近山碧澄江一帶生秋色老樹參差
曲岸通回波搖蕩崩隄仄人家臨水盡閒門似間雞犬聲相
喧萬杉路隔煙霞洞獨木橋通楊柳村忽然突起作險狀兩
崖怪石森屏嶂峰回蘚轉勢復平賈舶漁舟互來往樓臺隱

隱雲中起疊嶂層巒未已風帆渺渺天際來咫尺應須千
萬里

歸雲菴次韻

千峰萬峰嵐氣霏松陰曲徑閒禪扉虛空小坐羣動息空山
無人俗事稀清泉出渠忽自響野鳥狎客如相依眼前幽意
收不盡斜日看雲徐步歸

張邦奇

八首

邦奇字常甫鄆人弘治乙丑進士改庶吉士授檢討
出爲湖廣提學副使改四川福建入爲右庶子遷南
祭酒擢南吏部侍郎召拜吏部侍郎歷掌翰林院詹
事府事加太子賓客進禮部尙書改南吏部就改兵

部贈太子太保謚文定有觀光樓軒玉樓四友亭齋

心亭靡悔軒環碧堂甬川等集

田按尚書提學湖廣時世宗在潛邸就試學使以此受知帝奉太后謁天壽諸陵語及擇相太后曰獻皇嘗言提學張邦奇他日可爲宰相其人安在帝慨然曰尙未用也卽召爲吏部侍郎會以母老便養改南京帝念邦奇不已與分宜語及之分宜以邦奇至孝母老不樂北來對遂終不召卒後閣擬溢文恪文敏帝抹去四字大書定字遂謚文定廟堂制作頗稱莊雅觀光樓集目樂章僅列秋享上帝祀皇天上帝二章後人不知妄將洪武及嘉靖時改製樂章一切關入集中後之讀文定集者所當知也

苦雨

孟夏乃淫雨朱光轉淒其出門泥淖深平疇漫成池雨龍一離窟凝雲挾遼娟注注翳空下滔滔無厭期吁嗟望歲心閔閔誰能知

蟠龍山

登蟠龍兮高絕塵十轉百轉回回新小橋巖壑迸流水中
有石室居仙人斜陽在樹白鶴鳴長峰短峰殊晦明須臾洞口
陰風起吹作瑤空飛練聲

恭輓孝康敬皇后

二首

鼎湖龍馭遠華表鶴歸悠夕露青天泣秋陰碧海愁四朝君
盛美七秩享康休社飯重分日臣工涕泗流

露有重晞日山無復返泉逕當閒瞰日功翼燕皇天蘭殿雲
如結金鋪月自圓遺言懷聖孝恭誦一潛然

恭輓慈孝獻皇后

二首

簪廟勤家日休聲萬國聞嗣皇膺景命母教翼鴻勳合葬遵

前古尊稱據典墳其嗟天子孝風木淚紛紛

豐碑樹南紀祥靄護仙宮湘竹今無淚橋山舊有弓世傳遺
誥滿人仰德音同望望輶車遠松楸感帝衷

寫懷

四月江皋雨乍晴芳塘一畝鑑空明興來時復靡談麈愁破
無勞動酒兵柳外餘春鶯獨轉花陰遲午鶴雙鳴太平風景
村村樂閒看秧苗得意生

自溪道中

十日春風進草芽竹根稚笋露平沙巖巒孤立清深瘦上脊
野梅橫數花

徐縉 六首

縉字子容吳人弘治乙丑進士改庶吉士授編修厯

官吏部侍郎兼學士贈禮部尙書謚文敏有集五卷

司勸集公與李何特相友善朝夕揚扢往復譏彈每有撰述輒爲嘉賞

田按文敏五字詩音節瀏亮頗近邊華泉

贈薛君采

端坐苦無悰秋氣況蕭索清霜被玉除涼風吹紫陌感茲道
路長言念東歸客浮雲蔽日光流潦成川澤相期渺闕河行
矣慎所適

春日憶李子

吾愛空同子飄蓬似謫仙達觀塵世外幽討白雲邊盤石藤
蘿月夜門楊柳煙相思不可卽東望轉悽然

冬夜與原德節夫燕集

夜闌來索酒笑我太粗豪良會苦難值病軀方告勞青燈仙
榻靜晝角禁城高聆爾陽春曲真能瀉鬱陶

送劉德徵之夔府

五馬分符貴孤城作鎮雄巫山峰十二瀼水澗西東政繼劉
郎蹟詩追杜老風江關千萬里把酒意何窮

送郭司業介夫

翰苑名元重成均位不輕青霄瞻奮翮碧草動離情日月新
明主江山舊鎬京他年歌樂育師道說陽城

中秋日虎邱待月

待月虎邱岑行歌芳樹林玄雲催落景青靄結重陰古徑莓

苔色荒臺鵠鳩音高人在何許悽愴獨傷心。

殷雲霄十五首

雲霄字近夫壽張人弘治乙丑進士授靖江知縣改青田擢南工科給事中有石川集五卷

崔銑恒詞近夫修眉碧目口可容拳體羸而骨健讀書數行下作蓄艾堂聚書數千卷思欲以作者自名以詩者抒情表志風人於善自漢魏至唐作者皆辨其音節而擬之

藝苑卮言殷近夫詩如越兵縱橫江淮間終不成霸海岳靈秀集石川天資豪邁著述甚富海岳之靈氣也國雅殷給事近夫清灑時髦才情道麗如波喧偏怒石山暗欲生雲溪靜千峰倒雲歸眾壑昏又狂龍歌舞晚潮外芳草厯亂新晴中稍得鳳池一毛龍淵片甲

田按近夫好古振奇豪情健句雜沓而來古詩稍落痕迹七律學杜拾遺不失爲陳正字也

金田山

雲峰旣合苔石徑亦曲折曉行霜露重葉墮寒潭潔奇石立
且仆洩雲去還結小住愛窈窕遠眺得奇絕山水適夙志草
木悲暮節紛紛搖落中殘菊尚可掇

雜詩

終日抱膝坐門前無來客所懷不可忘脈脈念疇昔登高而
遠望雲霧塞八極離禽飛且鳴孤蘭慘無色晤言思親友日
暮空歎息

聞太初出遊

江風散微雨重峰生遙碧林端浮新青梅徑見殘白煙水澹
孤城齋閣坐成夕忽念同懷人清光隔咫尺溪舟時載酒野

步或攜策靜躁心詎異寤歌聊自適

秋雨歎

陰雲伏雨回秋光病骨卻愛秋風涼杖藜高歌猶清狂南歸
鴻雁鳴且翔我欲射之心悲傷嗚呼歲暮山中人未歸山中
茅齋今是非

石門懷太初

舍棹綠芳澗披蘿入石門秋風正蕭瑟林木亦飛翻溪淨千
峰倒雲歸眾壑昏佳期曠何許獨酌念彌敦

桃花

清源柳葉短東昌桃花開暝色春雲澹悠悠鳴雁哀浮名知
是幻薄宦愧非才萬里滄溟水蓬萊安在哉

秋郊

今日忽不樂帳然歌式微來游荒野大坐覺晚雲飛秋葉不
相待海潮空自歸憑誰問所往寂寥故人稀

九日登混元峰

孤杖千峰病起時江山如此更何之三年奔走風塵暗九日
登臨草木衰樽酒相逢人去遠鄉書不至雁歸遲八溟秋色
眞寥廓極目蒼雲有所思

東昌道中

繫帆潞河冰橫道東昌楊柳何青青鞶韁村落清明近過客
心情涕泗零嗚雁遠天雲漠漠桃花野岸煙冥冥停舟正爾
覓芳草風吹波濤愁晚汀

寄孫太初

不見高人孫太白採芝深山誰與歸恩君每傷碧雲合爲客
不覺黃葉飛石門雁宕空有約美酒新詩終日稀嵐莫梅花
怨幽獨桂棹東來安可違

富春山

二首

子陵祠屋碧崔嵬細雨扁舟此日來山色不隨炎漢去潮聲
猶帶伍員哀一時圭組憐英俊萬古風雲閣草萊何限幽懷
無可問海天逸鶴幾時回

富春山上雲蒼蒼子陵墳前江水長百戰韓彭無葬地千年
樵牧有椒漿絕巘寒風吹短鬢長波落日動孤航多懷欲采
芳洲薦楓葉蕭蕭天雨霜

下邳見山

過江以北不見山今朝蒼翠落潺湲平生自是煙霞客出宰
況居山水間芳草可憐春欲暮白雲應恨鳥知還推篷把酒
風塵道愧爾相看猶故顏

南旺道中東徐掌科尹大行

夜雨旣過無塵土芳草微煙亦可憐白雲欲去青山遠鷗鳥
似矜湖水妍平生事半風塵裏兩年歸俱清明前楊柳岸頭
春幾許與君沽酒問漁船

次繼之戶部九日見示詩

病起杖藜時極目何處人間干仞岡滿天風雨木搖落萬里
煙波江渺茫况逢佳節菊盈把不見美人天一方南北干戈

尙未息獨吟安能寬我腸

安磐七首

磐字公石嘉定州人弘治乙丑進士改庶吉士授兵科給事中進都給事中議大禮被杖免官萬曆初追贈太常少卿有游義集頤山集

四庫總目安磐頤山詩話二卷其論詩以嚴羽爲宗其議莊暴溪邊鳥共天機語杖上梅挑太極行句論梅堯臣歌欲論長恨人將問少君句及排周紫芝論林逋梅詩可謂公論磐亦能詩故其評論古人多中款會蓋深知其甘苦而後可定其是非天下事類如是也

升菴集明嘉州楊孟載青城王汝玉成都袁可潛徐遵晦富順晏振之近得宜賓牟君倫長甯侯汝弼嘉州安公石程以道卓然名家升菴外集亡友安公石妙於集句以鱸魚正美不歸去對瘦馬獨吟真可哀又請君酌我一斗酒與爾共消萬古愁又梁潤燕子聞長歎樓上花枝笑獨眠水

國蓮花府雲帆楓樹林又集杜句用葉叔晦讀者爲之泣下其詩云臨江把臂難再得便與先生成永訣文章曹植波浪闊死爲星辰亦可滅老去新詩誰與傳男兒性命絕可憐出門轉盼已陳迹妻子山中哭向天中夜起坐萬感集人生有情淚沾臆鳳凰麒麟安在哉石田茅屋荒蒼苔君不見空牆日色晚悲風

爲我從天來

池北偶談安松溪升菴先生友也其詩風神獨絕而世罕知之

靜志居詩話楊用修述公石論詩之旨云唐之名家自立機軸譬猶蠻花各有丰韻乃或翦裁以像生或繪畫而傍影終非眞也又云論詩如品花木牡丹芍藥下逮苦棟刺桐皆有天然一種風韻今之學杜者紙牡丹芍藥爾其說足以解頤

毗盧寺

孤城帶山雨石東滄江長涼月下蓮漏曉風吹竹房方外有遺教空中多異香長齋詎空寂醉裏失仁王

峽中

六月瞿塘灘瀨堆江流如馬刷雲來昭君村抱琵琶峽神女
祠連雲雨臺峭壁斷崖無鳥過古藤昏樹有猿哀夜來風雨
波濤壯消得夷陵獨酒杯

閒居

竹杖綸巾避俗翁閉門終日對寒松抱琴不是難成調流水
高山一萬重

遊凌雲寺二首

青衣江上水溶溶隔岸時聞戒夜鐘暫借竹牀聽梵放月華
初上第三峰

林竹斑斑月上遲鳥啼花落暮春時青衣不是蒼梧野卻有

峩眉望九疑

漁洋詩話余登凌雲石壁刻詩甚多惟安磐松溪四
絕句甚工記其句云青衣不是蒼梧野卻有峩眉望
九疑蓋峩眉三峰正直凌雲九峰之西中隔三江至
其地知其詩之工也

白水普賢寺

紫煙花雨溼晴山已宿招提第四關橫笛夜深龍睡起斷崖
懸石水潺潺

靈崖寺

落日西風入化城萬山回合一溪橫誰知今夜峨眉月高坐
靈巖聽鶴聲

張鵬一首

鵬字起溟洪雅人弘治乙丑進士歷官山西巡撫謫
漳州知府有北還集西巡稿

月珠佛頂

月珠古名籃草樹何葱蘢偶攜綠玉杖一上金仙宮石磴盤
細雲衣袂吹長風峩眉弄秋色瓦屋凌晴空平羌水如練直
下扶桑東晉領儼重城萬象開洪濛悠然俯闌櫈宛在瞿
中多病久不出始覺神境融尊酒雜劇談况復陪羣公心垢
忽以滅禪機坐能通乃知浮生勞百歲無時窮願結清淨緣
何當謝樊籠

樂護

一首

護字鳴殷臨川人弘治乙丑進士除宣城知縣改山
陰擢給事中進光祿少卿兼掌欽天監事以言星變
下獄謫知宿州歷河南僉事進陝西參政有木亭雜

藁

思家

溼雲暗重林悲風動高閣獨坐誚無言淚續櫓花落

蔡潮

一首

潮字巨源臨海人弘治乙丑進士選庶吉士改兵科
給事中累官河南布政使

宿懷化驛

落日溪風急新春客袂寒蠻山隨澗轉驛舍傍雲看鳥已投
林盡人嗟行路難盤回心百折歇馬已更闌

易舒誥

八首

舒誥字欽之攸人弘治乙丑進士改庶吉士授檢討

以忤劉瑾改南戶部主事瑾誅復故官有浯池集二

十卷

田按浯池絕句風致翩翩

題畫七首

細雨濛濛樹萬重繞村溪路紫苔封松巖定有幽人住知在
秋山第幾峰

攤書草閣林鶯轉隱几茅檐燕羽翻不爲西山有懸瀑杖藜
容易過南原

縱橫籬落茅齋小委曲江干草樹空一葉孤舟向何處半帆
斜日半帆風

騎馬看山路轉賒草橋南畔日西斜倦來且坐溪邊石先遣

長鬢問酒家

曉起尋春一水遙
夜來中酒未全消
陰崖說有桃花片一路
鶯聲送過橋

清溪夜漲桃花雨
春岸晴多楊柳風
爲寄函書下揚子故人
多在石頭東

青山隱隱連天柱
紅樹層層帶夕雲
聞有內芝如股大不妨
同問大茅君

新正

鄉村令節各匆匆
又是相逢花柳中
不及西泉閒太史
年年破屋領春風

陳錫二首

錫字祐卿南海人弘治乙丑進士授戶部主事改吏
部厯郎中出爲福建參政進布政使擢應天府尹有
天游集

新秋登玄覽臺分韻得玉字

靡靡流火西鮮飄解餘燠奇懷邁良辰散步粵山麓林巒蔚
蔥蒨邱壑縹而曲振纓陟崇臺神情若新沐悠哉偕友朋適
意此盤谷徜徉四山暝日入歡未足秋聲動喬林流螢度疏
竹松燈奕待籌明月自爲燭眞樂同逍遙豈必驂黃鵠

登越王臺

百粵風塵迴登臨野色分牛羊散平陸狐兔穴荒墳舊壘寒
鴉集殘碑刲火焚青幽故無恙鸞道杳秋雲

鄭銘 一首

銘字克信新會人弘治乙丑進士授戶部主事厯郎
中出爲袁州知府有岡州近稿二卷使滇雜興九卷

白沙祠堂

崑崙萬丈來白龍一畝中有仙人宮草色猶餘楚雲碧蓮花
別作濂溪紅客星無光塵夢遠鳳鳥不來吾道窮至今寂寥
古祠下年年依舊自春風

蕭世賢 一首

世賢字若愚桐城籍本泰和人弘治乙丑進士累官
按察副使

雨中舟行懷可泉

湖海斯人在遲回歲月移青山吳下夢細雨越中詩
杉渚相逢處蘭橈獨去時春來思載酒書上定相隨

陳鼎一首

鼎字大器登州衛籍本宣城人弘治乙丑進士授禮科給事中以忤中官廖堂下詔獄釋爲民起故官出爲河南參議厯陝西副使浙江按察使進應天府尹田按大器官黃門以剛直著詩特奇麗惜不多見

海市

凌虛出市何冥濛云胡獨見蓬萊東竹山妃子巧妝束翠屏金鏡堆芙蓉幾回梳雲皎室暗有時浴日鯨波紅恍疑根著帶鼇極不然底柱檣驪龍樓居十二隔煙霧濟州九點攢神

工小兒造化只如此蘆灰色石非談空三山遙指亦有意林
花未許劉郎通歸來几席有滄海終當稽首乘桴翁

穆孔暉一首

孔暉字伯潛堂邑人弘治乙丑進士改庶吉士授檢
討以忤劉瑾改禮部主事瑾誅復故官歷司業侍講
庶子侍講學士尙寶司卿南太僕少卿進本寺卿贈
禮部侍郎謚文簡

國史唯疑詞林歲時會分韻唱酬趙大洲贈孫季泉
詩季子文章伯王孫忠孝家又穆孔暉題南司業郎
有書聲山下月詩思竹邊秋之句爲崔子鍾歎賞並
贊美人口稱雅事今寥寥絕響數十年遂無談及可
歎也

送王侍講三錫出參蜀政

平生染翰青雲上今日方知行路難聞道華陽多勝概莫將

詩酒愛登山

劉寓生

一首

寓生字奇進石首人弘治乙丑進士選庶吉士改御史以忤劉瑾免歸起福建僉事

儼山詩話同年劉奇進在同館中最年少疏宕有美質試聞雁詩奇進立就曰秋至人間增客思況聞秋雁過皇都數聲到枕頻驚夢幾度穿雲不受呼自惜短翎鶩歲月可憐寒影遍江湖天愁鬢那堪汝故國音書知到無眾皆歎賞檢討汪器之曰詩甚佳須作御史耳寒影遍江湖非御史何官也後竟授御史出按貴州爲權豪所誣幸不死

六湖山

石林廻逕入平蕪萬疊青山繞六湖夾岸人家溪罨畫一隄

花柳錦模糊地連虎渡扁舟遠水落獅巖曉月孤好景欲同
闌鶯狎片帆搖曳落菰蒲

黃鞏一首

鞏字伯固莆田人弘治乙丑進士授德安推官入爲
刑部主事改兵部歷員外郎中正德中諫南巡予杖
削籍歸嘉靖初起南大理寺丞卒贈大理少卿天啟
初謚忠裕有後峰集

蒲陽文獻鞏自題其書室曰茅屋石田爲生大拙鳴
夷馬革自許何愚蓋有志殉國也武宗南巡鞏疏六
事言極痛切車駕貞外郎陸震見其疏願同署名以
進疏既入杖百餘除名陸竟死鞏禮極修羸幸得甦
以詩遺弟曰不用汝謀方至此須知臣道固當然蓋
萬死不悔也鞏嘗言曰人生仕宦至公卿大都不過
三四年惟立身行道爲千載不朽世之人往往以
彼易此何耶沈敏好學詩文清粹和婉幾自成家

東南崎外詩話忠裕集中待罪句云半生今許國
死敢祈恩罰跪送鎮撫司句云自託匡時略翻成出
位言偶成詩云罪當萬里投荒服恩許終身作布衣
絕無怨懣其所養可知矣

仲春寫懷因寄夷陵林以乘

竹下花前漫酒尊不知今日是春分金華陸汝亭老去夷陵遠

望極江天空暮雲

孟洋四首

洋字望之信陽人弘治乙丑進士除行人遷御史坐
論張璁桂萼下詔獄謫桂林教授遷汝上知縣厯嘉
興同知擢湖廣僉事改山東進參議厯陝西參政拜
僉都御史巡撫甯夏改理河道終南大理卿有有涯

藝苑卮言

孟望之如貧措大置酒寒酸淡泊然不置

腥羶

靜志居詩話左孝廉舜齊獻吉外弟也孟大理望之仲默外弟也左詩近膚孟詩太淺比於郎伯邈若雲淵

顧全州見邀江水漲不能赴

桂林山深晝啼鶴一春三見紅日出鳴雷達曙雨浪浪洪潦
半階仍入室美人只在水一方百迴千迴道轉長雨中空見
枇杷落飛盡楊花更斷腸

別胡茂卿推府往吳興兼呈劉養和太守

吳興非遠別客路亦關情細草迎船發春雲對浦生西亭饒
柳色茗水試鶯聲謝傅仍爲郡登山擬其行

寄周充之侍御謫居南海

君從嶺海駕輕舟
余亦瀟湘遡碧流
悵望雲天俱墮落相思
月夜一登樓
魚龍巨浪脊應動
瘴癘深山雨更愁
飽食殊方各努力
南中山水足遨遊

回雁峯

回雁峯高起夕嵐
孤舟落日繫江潭
雁知瘴癘愁南渡
逐客明朝路更南

索承學二首

承學字遜夫
邵州人
弘治乙丑進士
官戶部郎中
有桐岡集

閨怨

行人瞻遠途
飛鳥巢舊枝
人去日已遠
鳥歸恒有期
坐令歲

華晚空調鉛粉姿思君如逝水一去無還時

折楊柳

楊柳風微三月時行人立馬醉金卮憑君試看河邊樹春去
春來只舊枝

周宣

一首

宣字彥通莆田人弘治乙丑進士除常德推官擢監
察御史諫南巡被杖不死出爲山西副使遷廣東按
察使進布政使有秋齋集

黃岡驛阻雨

阻雨黃岡驛行旌去復留浮蹤何必問明日是潮州

田登

一首

登字有年長安人弘治乙丑進士授刑部主事厯湖廣僉事山東副使進河南參政

巴東峽中

去時冰雪寒歸來桃李豔短棹羈春愁雲深江路暗

方獻夫一首

獻夫初名獻科字叔賢南海人弘治乙丑進士選庶吉士授禮部主事改吏部進員外郎以議大禮擢侍講學士厯少詹事拜禮部侍郎改吏部進禮部尚書改吏部加太子太保柱國少保兼武英殿大學士贈太保謚文襄有西樵遺稿八卷

駕遊環碧演新乘馬應制

白馬黃金勒霓旌天上来君王政機暇柳彈金鞭迴錦宮花
簇瓊筵開侍臣快覩紛徘徊紛徘徊捧壽杯仰瞻神武姿駕
馭多良才需雲一曲昇平樂八方順軌無纖埃